


Sisasagana ka kadi Maui?

Kalsada a nalayus? Agsublika tapno di ka malmes

Ginggined? Agpakleb, akkubam ta bagim ken kumpetka!

Agaramid ti plano para iti emegency ken ti maysa nga emergency kit!

Di mo taltallikudan ti baybay aniaman nga oras!



Maysa daytoy a pagannurutan ti kinatalged nga insagana ti

MauiReady.org



**HAWAII STATE
DEPARTMENT
OF HEALTH**

Departamento ti Salun-at iti Estado ti Hawaii

Ammuen ti aramiden no adda emergency

Agaramid ti maysa a plano kadua ti pamiliam no bilang adda kalamidad wenna sabali pay nga emergency.

BAGYO (sumagmamano nga aldaw ti pakdaar)

Ti bagyo mabalin a makalayus, ngumato ti danum manipud baybay, pumigsa ti angin, addanto pay ipu-ipo.

- I-tsekyo ti emergency kityo
- Agbuya iti TV wenna agdengngeg iti radio tapno maammuan ti damdamag ken ti listaan dagiti mabalin a pagsilungan
- Iserra dagiti tawa ken ruangan
- Suruten amin nga order
- para ti panagbakwit

ITI PANAWEN TI BAGYO

MAYO HUNYO HULYO AGOSTO SEPTIEMBRE OKTUBRE NOVIEMBRE



GINGGINED (Awan pakdaarna)

Ti napigsa unay a panagngungon ti daga gapu iti ginggined ket mabalin a paggapuan ti adu a perdi.

- Umakar iti natalged a lugar – iti maysa a sulit iti kuarto, ayan ti ruangan, wenna iti sirok ti napigsa a lamisaan ket usaren ti pungan a pang-aklub ti rupam
- Umadayo kadagiti sarming ti tawa, dagiti ruangan it ruar wenna aniaman a banag a mabalin a matinnag
- No asidegkayo iti baybay, mapankayo iti nangatngato a lugar (di yo urayenen ti siren a pakdaar ti tsunami!)
- Mabalin nga adda aftershocks



Ginggined? Agpakleb, akkubam ta rupam, kumpetka!

BIGLA A PANAGLAYUS (Aglalo kadagiti kapatagan)

Apay a kadawyan a peligroso ti bigla a panaglayus? Mabalin a mapasamak daytoy iti sumagmamano a kanito laeng, ket napardas ti panggarawna ken nakapigpigsang unay.

- Denggen ti radio tapno maammuan ti pakdaar
- Mapan a dagus iti nangato a lugar
- No addakayo iti nalayus a lugar, agsardengkayo, diyo ammo no kasano ti kaadalemna ti danum wenna ania ti langa ti kalsada a malaylayus
- Di kayo agay-ayam kadagiti kanal ken lugar ti irigasion

Nalayus a kalsada? Agsublika, tapno di ka malmes!

ALUYO

(Warning wenna pakdaar iti sumagmamano a minuto wenna oras)

Dua a klase ti aluyo –Aggapu iti entero a Pacifiko, wenna local laeng.

- Siputam dagiti senyas ti warning
- Mapanka a dagus iti nangato a lugar
- Denggem ti radio no makangegka ti warning a siren.
- Amin nga igid ti baybay ket peligroso (mairaman dagiti karayan ken pier)

PANAGNGATO TI DALLUYONG (Dagiti lugar iti igid ti baybay)

“Storm Surge ti awag iti panagngato dagiti dalluyong ket gapu ti panangiduron ti angin iti danum manipud baybay ken bagyo. Mabalin a nakalawlawna daytoy a danum – 50 inggana 100 a milya ket paggapuan ti layus. Daytoy ti kangruaan a makaam-amak iti biag ken sanikua.

- Di ka mapan iti asideg ti baybay no adda bagyo.
- Agbakwit, umikkatkayo iti nababa a lugar no ibaon dagiti autoridad.

Agsaganaka a Proteksionam ti Pamiliam

Birukem dagiti mabalinmo nga usaren iti MauiReady.org

NO MAIDDEP TI KURYENTE

No awan ti kuryente, mabalin nga awan met ti danum. Masapul a mapalammiis dagiti makan ken medisina. Dagiti kasilia, di da met mabalin a mausar. Agsagana para iti pannakaawan ti kuryente.

- Masapul nga adda radio wenno handcrank a mausar tapno manggeg ti padamag.
- Iserra ti refrigerator ken freezer.
- Masapul a sisassgana ti cooler nga adda yelona no mabayag a maawan ti kuryente
- Ikkaten amin a nakaplug malaksid ti maysa a silaw tapno maamuan no addan kuryente.
- Masapul ti flashlight, ken extra a baterya. Dagiti kandila, mabalin a paggapuan ti uram.
- Adda met back-up a cellphone charger.
- No ti medikal a ramet, kasapulanna ti kuryente, agplano tapno makasagana no maawan ti kuryente.

BUOT

Gapu ta ti klima iti Hawaii ket tropikal, kadawyan nga adda buot. Ti buot adda peligrana iti salun-at ken mabalin a perdienna ti balay.

- No malayus ti balayyo, agpasaranay a dagus tapno maliklikan ti problema ti buot
- No makakita buot kadagiti tubo, wenno diding, awagam dagiti profesional a tao a makaammo no kasano panagikkat kadagitoy
- Mabalin a kumaro ti asthma ken allergy gapu iti buot

DAGITI TARAKEN NGA AYUP

Kadagiti umuna a kanito a senyas ti kalamidad:

- Agdenngeg iti radio tapno maammuan no
- ania kadagiti mabalin a pagsilungan ti agawat ti taraken nga ayup
- Mangted ti kanen, danum, agas, nagan, pangbagkat ken dadduma pay a suplay a kasapulan ti taraken nga ayup
- Di yo ibatbati dagiti taraken. Mabalinda a maibalud wenno makataray.


SAKIT KEN PESTE

Makaam-amak ti maysa nga emergency ti salun-at ti publiko kas ti panagwaras ti sakit a dengue, trangkaso, Ebola ken dadduma pay a peligroso a sakit.

- Sputam dagiti damag a lokal maipanggep ti panag-alerto iti salun-at ti publiko.
- Ugasam a kanayon dagiti imam tapno maliklikan ti panagwaras ti sakit
- Siputam ti peligroso nga insekto kas ti nalabbaga a kuton. Ireportmo no adda makitam iti Hotline ti Peste 808-643-PEST (808 -643-7373)
- Aggianka iti uneg balay no masakitka (ket ibagam kadagiti dadduma met a masakit a kasta met ti aramidenda)

Agadal pay iti ad-adu iti
MauiReady.org

Di mo
taltallikudan ti
baybay aniaman
nga oras



KINATALGED ITI BAYBAY

- Di ka mapan aglangoy nga agmaymaysa
- Agpasirokka iti baba iti dakkel a dalluyong
- Aglangoyka laeng kadagiti baybay nga adda lifeguards na
- Di ka aglangoy kadagiti narugit ken di naliknaw a dandanum iti parbangon wenno sardam (mabalin nga adda pating kadagitoy)
- Di ka tumpuak manipud kadagiti dissuor wenno umuli kadagiti nabasa a dadakkel a batbato.
- Saanmo a kontraen ti ayus ti danum, agtalnaka, umayab ti saranay, languyen ti agus ti danum, sakanto aglangoy agpasubli iti igid ti baybay

ITI MAYSA NGA EMERGENCY, IDAYAL MO TI 911

No awan ti emergency, usaren dagitoy a numero :

NOAA Nakarecord
a Panawen ken
Impormasion iti Baybay
(808) 944-3756

Maui County
Defensa a Sibil
(808) 270-7285

American Red Cross
I-report ti kalamidad
(808) 357-3387

Pulis ken Uram
Saan nga Emergency
(808) 244-6400

Departamento ti Salun-at
(Kontrol Dagiti Sakit a Makaalis)
(808) 984-8213

Kontrol ti Sabidong
(800) 222-1222

Isuratmo Dagiti importante a numero ti telepono para kenka ditoy:

Makangegka ti siren kas warning? Denggem ti radio.

Ti siren ket mysa nga nabayag nga ayug. Masapul a dumngeg iti padamag a lokal (Maui) imbes nga iti padamag iti Oahu. Saba-sabli ti mensahe para iti Emeergency iti naduma-duma nga isla. Ti opisial a pakdaar ket ispesipiko iti maysa nga isla.

ISTASION TI FM

KDLX-FM 94.3
KAOI-FM 95.1
KAOI-FM 96.7 (Upcountry)
KPOA-FM 93.5 (Laud ti Maui)
KLHI-FM 101.1 (Laud ti Maui)

KMVI-FM 98.3
KNUI-FM 99.9
KNUQ-FM 103.7
KONI-FM 104.7
KPMW-FM 105.5


ISTASION TI AM

KMVI-AM 550
KNUI-AM 900
KAOI-AM 1110

Dagiti Paglinongan (Ammuen no sadinno papanam)

- Bisitaen ti MauiReady.org tapno maammuan no ania ti asideg kenka a pagsilungan.
- Dumngeg iti radio para iti opisial a pammagbaga no ania kadagiti pagsilungan ti nakalukat ken mabalin nga umawat kadagiti taraken nga ayup
- Mangitugot ti bukodmo nga emergency kit ken suplay

**Ti kinatalged,
mangrugi kenka!**



Agadal pay ti ad-adu iti

MauiReady.org